

Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

§. II. Altera difficultas resolvitur, & declaratur, quænam sint causæ, à quibus provenit diversitas videndi creaturas in Verbo

[urn:nbn:de:hbz:466:1-77132](https://nbn-resolving.de/urn:nbn:de:hbz:466:1-77132)

DISPUTATIO QVINTA

99 Probatum ergo secunda pars, contra aliquos qui docent beatos omnia quae ad eorum statum pertinent in verbo cognoscere. Si beati in verbo viderent omnia quae pertinent ad eorum statum, ea scirent ab initio beatitudinis, & non per successionem temporum, cum visio beata sit immutabilis, & tota simul, & non crescat per successionem, ut sequenti disputatione dicemus. At constat Angelos, circa ea quae accidunt regnis, vel provinciis, vel hominibus sua curæ commissis (qua utique ad proprium illorum statum pertinent) non semper omnia scire a principio beatitudinis, sed dari locutionem, & illuminationem inter ipsos Angelos, ut docetur in Tractatu de Angelis, & constat ex Danielis 10. tibi Angelus Persarum, & Angelus Iudeorum, dicuntur inter se altercari, pugnare, & litigare (contrarietate rerum, non voluntatum, ut explicat S. Thomas infra quest. 113. art. 8.) quia scilicet adhuc illis ignota erat voluntas divina circa liberationem Iudeorum. Ergo beatini non vident in verbo omnia quae pertinent ad illorum statum, sed aliqua extra verbum, per revelationem cognoscunt.

100 Confirmatur, & magis illustratur haec veritas, egregio D. Thomae testimonio de sumptu ex 4. sent. dist. 49. quest. 2. art. 5. ad 12. ubi sic habet: Nihil prohibet dicere quod post diem iudicii, quando gloria hominum & Angelorum erit penitus consummata, omnes beati scient omnia quae Deus scientia visionis novit; ita tamen quod non omnes omnia rideant in essentia divina, sed anima Christi ibi plene videbit omnia, sicut & nunc videt: alij autem videbunt ibi plura vel pauciora, secundum gradum quod Deum cognoscunt; & sic anima Christi, de his qua pre aliis videt in verbo, omnes alias illuminabit. Vnde dicitur Apocalypsis 21. quod claritas Dei illuminat civitatem beatorum, & lucerna eius est agnus. Et similiter Angeli superiores illuminabunt inferiores, non quidem nova illuminatione, ut scientia inferiorum augatur per hoc, sed quadam continuatione illuminationis, sicut si intelligatur quod Sol que fecerit illuminat aereum. Quibus verbis clarissime docet, quod beati post diem iudicii, multa quae pertinent ad abundantiam gloriam, videbunt formaliter in verbis; quedam vero extra verbum, ut pertinentia ad gloriam accidentalem, per illuminationes quae sunt a superioribus, praesertim ab anima Christi, residente in verbo omnia quae Deus cognoscit in se ipso per scientiam visionis. Unde Caietanus 2. quest. 83. art. 4. dicit aliquid posse cognosciri per visionem beatam dupliciter. Primum formaliter, & hoc modo cognoscitur a beatis quidquid vident initio sue beatitudinis. Secundo causaliter, quatenus ex scientia beata, tanquam proprietatis resultat scientia inferior, quae infusa dicitur, per quam cognoscunt successivè quidquid per illuminationem excipiunt. Altero ergo ex his duabus modis cognoscunt beati in patria quae pertinent ad proprium statum, ac proinde omnes preces ac orationes ad ipsos fusas, vel fundendas. Unde quando D. Thomas dicit 3. p. quest. 10. art. 2. quod nulli beato debet, quin cognoscat in verbo omnia quae ad ipsum spectant, intelligi debet, beatum ea in verbo cognoscere, vel formaliter, vel causaliter. Vnde etiam dicit potest, illum loqui de his quae spectant ad statum beatum directe & per se, qualia sunt ea quae in ipso beatitudinis statu ipse agere debet (hac enim probabile est, beatos in verbo videre) non autem de his quae per accidens tangunt & indire-

A ctet ad ejus statum pertinent, qualia sunt ea quae apud eos aguntur, & orationes quae ad eos sunt, aut personæ quae illorum patrocinio & custodia committuntur; nam illa omnia non videntur a beatis in verbo, sed extra verbum, per speciales revelationes, multo probabilius est, ut sic deetur locus in multis consultationi divina sapientia, & illuminationi superiorum Angelorum ad inferiores.

S. II.

Altera difficultas resolvitur, & declaratur, quenam sint cause, a quibus provenit diversitas videndi creaturarum in verbo.

D ico quartò: Causa cur plures vel pauciores creature possibiles, a beatis in verbo videantur, sumitur ex majori vel minori intensione luminis gloriae: ratio vero cur haec creature possibiles in particulari potius quam alii cognoscantur, perit ex ipsa natura creaturarum; quia quedam sunt de latenter, quedam manifestiores; & ita quedam majori lumini proportionata sunt, quedam minori.

Prima pars conclusionis sequitur ex principiis supra statutis: Cum enim creature possibles, in essentia divina tanquam in causa, & medio prius cognito videantur; ratio videnti plures vel pauciores creature possibiles, est major vel minor penetratio divina essentia, primo cognita: Sed major vel minor divina essentia penetratio, oritur ex majori vel minori intensione luminis gloriae: Ergo causa cur plures vel pauciores creature possibiles a beatis in verbo videantur sumitur ex majori vel minori intensione luminis gloriae.

Secunda pars docetur a D. Thoma quest. 8. 10. de veritate art. 4. ad 12. ubi loquens de cognitione creaturarum possibilium in verbo, dicit: Quodam sunt latentes, quedam manifestiores; & ideo ex visione divina essentia quedam cognoscuntur, quedam non. Ratio etiam id siuader. Ita enim se habet causa ad manifestandos effectus; sicut principium ad inferendas conclusiones, unde figura ex principiis demonstrationis statim aliquæ conclusiones elicuntur; quedam vero non nisi per multa media, quia sunt ab illis magis remota: ita etiam quidam sunt effectus in divina essentia manifestiores, quia ea visa, statim cognoscuntur a lumine gloriae, quamvis remitto alij vero latentes, qui ut videantur indigent lumine gloriae magis intensio, & divinam naturam intimius penetrante.

Qui vero effectus manifestiores, & qui latentes sunt, varie ab Authoribus explicatur. Aliqui existimant creature esse latentes, vel manifestiores, ob maiorem vel minorem perfectionem & existatem. Alij, ob maiorem vel minorem convenientiam & similitudinem cum Deo. Alij sentiunt, illos esse effectus manifestiores, qui majorem habent proportionem cum intellectu, & modo intelligendi beatorum; latentes autem, qui magis ab hac proportione recessunt. Alij denique dicunt, illam creaturem debere dici latenter in Deo, & requirere perfectius lumen ut videatur, quae cognoscitur non solum quoad an est, & qualiter superficialiter, sed etiam quoad quid est, & penetrando omnes rationes intelligibiles, secundum quas subest divina providentia.

Dico quintò: Causæ proximæ, & intrinsecæ, 105 a quibus provenit diversitas videnti has creaturas existentes vel futuras in verbo, potius quam alias,

alias, sunt lumen gloriae, & divina essentia, in ratione speciei intelligibilis, intellectui beatorum diversimode applicata ac determinata, sicut exigentiam luminis, ad representandas has potius creaturas quam alias.

Colligitur ex D. Thoma variis in locis: nam hic art. 6. & 7. & 3. contra Gentes cap. 57. reddit diversitatem visionis beatæ ad diversitatem luminis gloriae. Et quæst. 8. de verit. art. 4. ad 2. recurrat ad diversam applicationem divinæ essentie, in ratione speciei, qua semper comitatur proportionem luminis gloriae.

¹⁰⁶ Probatur etiam conclusio ratione. Principia intrinseca visionis beatæ (id est intra intellectum existentia) sunt lumen gloriae, & essentia divina per modum speciei intelligibilis, intellectui beatorum unita, ut supra declaratum est. Unde cum diversitas cognitionis peti debeat ex principiis intrinsecis ad illam concurrentibus, etiam diversitas videndi has creaturas potius quam alias, sumi debet ex differentia individuali luminis gloriae, & ex unione essentie divina, ut speciei intelligibilis, qua juxta proportionem luminis, plus vel minus se manifestat beatis, & estratio videndi plures vel pauciores creaturas.

Dico ultimò: Causæ extrinseca & remota, cur aliqua creatura existens vel futura videntur à beatis, potius quam aliae, sunt status cuiuslibet beati, & voluntas Dei applicans & determinans essentiam divinam in ratione speciei, ad representandum has creaturas potius quam alias.

¹⁰⁷ Prima pars conclusionis evidens est: ut enim ostendimus §. præcedenti, visio beata, cum sit perfecte satisfactiva omnis justi desiderii, manifestat beatis omnia qua pertinent ad proprium illorum statum: Unde cum ad statum cuiuscumque beati, aliqua creatura in particulari pertineant, ut antea declaravimus, status cuiuslibet beati est causa extrinseca, & remota, cur haec potius quam alias creaturas in verbo cognoscantur.

Addo quod, sicut charitas recepta in Petro, magis ipsum inclinat ad scipium amandum, quam alium; & sicut virtus fortitudinis, sic est etiæ extrinseca, & inclinat subiectum in quo recipitur, secundum modum, & capacitatem ipsum; & determinat intellectum beati, ad videntem has creaturas potius quam alias, secundum quod postulat proprius cuiuscumque status: Ergo status cuiuslibet beati, est causa videntis extrinseca, à qua oritur diversitas videndi in verbo has creaturas potius quam alias.

Secunda vero pars, qua affert talem diversitatem per etiam ex libero decreto divina voluntatis, divinam essentiam in ratione speciei intelligibilis intellectui beatorum diversimode applicantis, evidens est. Cum enim essentia divina, ut gerent vices speciei, non sit ex se determinata, sed indifferens ad representandum has potius quam illas creaturas, debet extrinsece determinari, & applicari per decreatum divinæ voluntatis, ad representandas tales creaturas potius quam alias, juxta exigentiam luminis gloriae, & meritum ac statum cuiuslibet beati. Et ideo essentia divina vocari solet speculum voluntarium, quia non repræsentans nisi ea quæ Deus vult & ordinat; nisi ut applicata, & de-

A terminata per liberum decretum voluntatis divinæ: sicut divina omnipotens non determinatur ad hæc potius quam illa producenda, nisi ratione ejusdem decreti.

DISPUTATIO VI.

De mensura visionis Beatificæ.

Ad complementum hujus Tractatus, supereft ut de mensura visionis beatificæ differamus, & durationem, per quam illa mensuratur, breviter explicemus. Unde fit

ARTICULUS UNICUS.

Quenam sit mensura visionis beatificæ?

§. I

Præmittenda ad resolutionem questionis.

Suppono primum, visionem beatificam esse omnino invariabilem, & quæcumque videntur à beatis in verbo, non successivè sed simul videri.

Ita docet D. Thomas hic art. 10. & 3. contra Gentes ca. 60. & colligitur ex SS. Patribus: Augustinus enim 15. de Trinit. cap. 16. loquens de visione beatæ: Non erunt, inquit, volubiles nostra cogitationes, ab aliis in alia euntes atque redunt; sed omnem scientiam nostram simul uno conceptu videbimus. Idem docet D. Bernardus §. de confid. cap. 13. ubi sic habet: Non enim tunc fragilis acies mentis nostræ, quantumcumque vehementer intendens, aliquid quatenus dissolter, restitueret in suam pluritatem; colliger se magis, adunabat, conformabitque unitati illius, vel potius unitati illi.

Eadem veritas significari videntur Isaia 6. cum enim dixisset Propheta, quod seraphim flabant (scilicet ante thronum Dei) statim subiungit, sex ale trani uni, & sex ale alteri, & duabus volabant: que verba expendens idem Bernardus serm. 4. de verbis Isaiae: Ad quid (inquit) tunc ale, si stant? Cui interrogationi sic responderet: Credo autem, sicut in volatu alacritatem, sic & in statu immobilitatem promitti.

Probatur etiam eadem suppositio tripli ratione quam habet D. Thomas locis citatis. Prima est, quia beati omnia qua vident in verbo, vident in una specie divinæ essentia: ea autem qua videntur in una specie, videntur simul, & non successivè. Quam rationem etiam tangit D. Bernardus serm. 31. in Cant. ubi loquens de excellentia divinæ visionis, sic ait: Illa visio stat, quia forma stat qua tunc videntur; est enim, nec ullam capit ex eo quid est, sicut vel erit, mutationem.

Secunda ratio est. Felicitas perfecta (qualem habent beati in visione Dei) non est secundum E habitum, sed secundum actum, ut dicit Aristoteles 10. Ethic. Ergo non unum prius, & aliud posterius, sed omnia simul & semper, secundum actum, & in uno actu videntur a beatis.

Tertia ratio quam etiam adducit S. Thomas locis citatis, sic potest proponi. Unaquæque res, cum venerit ad suum ultimum finem, quiescit, cum omnis motus sit ad acquirendum finem: Sed ultimus finis intellectus est visio divinæ essentia: Ergo intellectus divinam esse